

OMUKWETU

Registered at the General Post Office as a Newspaper

10c

Ovafitaongalo kave na fimbo pelongo loukriste

Osha li shi kumwifa, eongalo li na ovafita vatatu, ndele ofikola yekoleko, otai hongwa komwiimbifi, omudo aushe. Meekomboni nomeefaalama, ovaimbifi nava pukulule shili vakwao, nde momikunda nomoinagoga, omufitaongalo e na okutalela po eefikola domashasho nomakoleko.

Omufitaongalo oku na okulonga ovanyasha nhumbi taku longifwa Omasakramendi Mayapuki noukriste woovene. Oshilonga shaye shinene okulonga ofikola yekoleko nouidiini meongalo.

Eongalo olaKristus mwene, Oye a tula mo ovalongi veongalo va longe oilonga iyapuki meongalo. Keshe omulongi, oshilonga shaye. Omufitaongalo oye omulongi omukulunhu, e na oinakuwanifwa ihapu.

Omufitaongalo, ota shashe ovanhu meongalo, ota kolekele ovakriste meongalo, ote va tukulile Ouvalelo Uyapuki, ota yapula eehombo dovakriste, ota pake nokuyapula eembila nosho tuu. Ei aishe okwa teeelwa e i wanife paifano laye.

Ofye otu na okulonga oilonga yaKalunga manganga omutenya. Oufiku tau uya nokape na ou ta dulu okulonga sha.

Lisken Shikongo

Tala natango omadhiladhilo gamwe kombinga yiilonga yaasita ga hololwa moshifo shika mepandja etiyali.

Omumbisofi Nangolo Auala, omuwiliki gwE-pangelongeleka



Epangelongeleka li li miipundi. Efano ndika olya thanekwa nuunkulungu owindji koonyala, nomulyo otamu leshwa oshindji mekwatathano nOngeleka ndjika. Oli li mOmbelewa yOngeleka.



OMAYEME GAAKWANEGONGALO INAGA LOTEKWA

Konyala uule womimvo ntano dha zi ko, iilyo yOngeleka onkwaevangeli paLuther yomOwambokavango, oya ningi ookambadhala odhindji okudhimbulukitha Epangelongeleka nkene eyakulo lyasita momagongalo ogendji itaali yamukula we ompumbwe dhaakwanegongalo.

Uunangeshefa neyakulo lyasita mEpangelo, oyo unene hayi tumbulwa koshito. Aasitagongalo yalwe wo yaa na iimpwiyu mbika ya tumbulwa mpaka, osha dhimbululwa kutya oyendji yomuyo, nayo wo ethimbo lyawo otyu udhithwa iinakugwanithwa yilwe yomeni lyegongalo nenge pondje yalyo, noshe ya imbi okutsakanitha shoka tashi yuulukiwa kaayakulwa yawo.

Omatumbulo ga kola haga ti sha kaasita yaa na ethimbo neyakulo lyawo, oga uvika mpaka naampayaka mokati kaakwanegongalo. Ihe mugo kamu na naanaa sha shomutyanyayi, ngashi olwindji osho shu uvitikiwe ko kaasita ngaaka, aawe.

Ethiminiko li li koho yoshinima shika, ongashi naanaa omusitagongalo Timoteus Shipanga e shi fatululile mOshigongingeleka mEngela numvo a tile:

Omanyenyeto gaasita kaye li miilonga yawo ngele oga tameke maakwanegongalo yoyene, shoka osha za komwenyo omwaanawa nokomalhiladhilo taga kongo notaga lalakanene uuwanawa wiilyo yegongalo nowaayakuli yawo."

Oshitokolitho 93 shomOmauthompango Ongeleka, uudhiginini wiilonga yomusitagongalo, otau kumagidhwa ngeyi:

"Omufitaongalo nenge ta efa okulonga oilonga e i ufilwa, ile ta anye nande ehee na eimbo okuwana nifa oilonga yaye, ile mokulonga kwaye ehee na oudiinini, ile te litula moilonga inai wapalela oufita, omupashukilishitaingeleka ne mu pukulule."

Oombelewa dhaatonateli yitayingeleka osho wo ombelewa onene yOngeleka, oya humbata ethimbo ele noluhodhi olunene uuhethi waasita miilongayakulo yawo. Nomolwashika Epangelongeleka ohali fala epulo ndika miigongi yaasita nenge miigongi-engeleka, opo li pewe uyelele nkene li na okukwatha aayakuli yalyo. Mupya munene sigo onena eyamukulo olya fa inaali adhikwa.

Shimwe sha yela osho shika; oshimpwiyu noluhodhi kumboka ye lu humbata omolweyakulo lyayakulingeleka yetu, itayi ka hulila mombepo, inaa mu za ando iiyimati yasha.


Kalunga ota ka shitulula esiku limwe omitima dhaamboka yi itsike oondjoko dhaa shi dhawo, o po ya taambe ishewe ondjoko yeithano lyawo ndjoka Omwiithani gwawo ta ti: "Ompu nombwana wa."

Onyalo oya ninga omukifi moshiwana shetu. Onghee to mono omunyasha nghee ngo a hombola ile a hombolwa, konima ashike yeyapulo lehombolo do eemhadi otadi shange nale ookwaa. Unene aukadona nye, vati kave fi vali ovanyasha.

Otava nyengwa noku leshela onunona vavo mOmbibeli. Otave lipopile kutya onunona ohava i kofikola. Nande moshinima shoovene ovanhu ava kave shii okulesha. Efimbo lavo lounyasha ove li longifa nai.

Kaume kange, longifa efimbo u li na. Ino efa okuvandamena momishangwa. Osho nashi kale oshinima shotete. Ounyuni otau londo. Efimbo itali ku teelee; lo oli na nee ondilo! Omuwiingilisa ta ti:

"Time is money". Efimbo oshimaliwa. Kaume ove munyasha, kotoka oshiponga osho, onyalo, unene yokulesha. Omunafikola ota lesha, shaashi a tila ostrafa. Okulindungika hashili.



Tatekulu Elia Haiping, Okahao, okwa longo oshilonga sheuvitho lyevaangeli omimvo 30, kee na omangungutulo. Oshigongingeleka mEngela 1976, oshe mu indila natango a tsikile oshilonga she.

Omunyasha nee womomukunda oixuna. Vati ye mofikola okwa dja mo, ota leshele nee shike?

Vahapu nEembibeli kave di na, vo ove li ngo ovakriste. Eembibeli dihapu oda ninga eendjuo nomitala domaluviluvu. Ombibeli oyo ondjila yexupifo loye shi dimbulukwa alushe.

Ovanyasha vahapu tava nyola eembilive tadi fifa ovalishi ohoni. Eshi otashi di apa vakweni otwa yuka komesho, hatwii, ove oto i wa yuka konima.

OMUVALU WOVAKELEFITI

Evalulo eli la dja mombelewa yOmupapa mu-Roma, otali ti kutya ovakelefiti mounyuni ove fike peepeleshenda 31 dovanhu aveshe mounyuni. Ounyuni ou na paife ovanhu 3,873, 733,000 pavalulo lomudo, 1975.

Ovakatolika kaRoma momuvalu wovakelefiti ove li mo ve fike 705,028,000 ile epeleshenda 18.2 dovakwaunyuni aveshe.

Naashi tashi ningwa mounyuni, ku shi shii. Olyelye te shi ku lombwele ove iho lesha? Ou li ashike wa kofela moluvela. Wa itavela kutya ove ino valulwa. Inoo valulwa kulye? Ooye mwene ino li valula.

Shiwana, ino kofa, penduka. Longifa efimbo, fimbo u li na. Efimbo lidjuu otali ke uya. Konima yoshitya ounyasha vati, oixuna noma-lwa e li ko. Owe shuuda tuu? Nde ku vake-la ko. Da londoka iha di i oita.

Ove ino dimbwa ko oshinima shakula osho ehafo. Oho hafe tuu fimbo u li omunyasha? Ehafo lihapu lihapu oto li mono moinyolwa nomOmbibeli yoye.

Onde lineekela oto pula nge:

Ohandi hafe nee ngahelipi mounyuni u li ngaha?

Dimbulukwa, ounyuni itau polo, otau twikile. Vali ounyuni opo we u hanga noto u fiye po ngaashi u li.

Ombibeli otai koleke ehafo lomunyasha: O-muudifi. 11:9. Kaume ngenge oove ou iho lesha ove iho hafe, tameka nena.

Jonas H. Mweutota

SATANA DHINGI KAAKOMUNISI Emoniko enene, Dan.2:31-35.

Opwa kala omapulo ogendji moomwenyo dhaantu yomethimbo lyomukwaniilwa Nebukadnessar ngoka inaaga mona omayamukulo. Unene omapulo momukwaniilwa ye mwene. Okwa kongo omayamukulo kaagandjindunge ye, ihe oya nyengwa ayehe.

Omuyamukuli gwomapulo getu ngoka gu udha oomwenyo dhetu, oye Omuwa, shimpa tuu ta pewa ompito oku shi ninga. Oye okwa gandja uuyelele mowenyo gwaNebukadnessar gu udha omilema.

Emoniko lya talithwa omukwaniilwa olyefano enene lya fa omuntu. Omutse gwalyo oshingoli, ontulo nomaako oshisiliveli. Ela nombunda oshiyela oshiku-shu. Omatundji oshiyela oshiludhe; oompadhi oshiyela oshiludhe mumwe neloya.

Efano ndika otali holola okukala kwomapangelo guuyuni, ilongo nomapangelo gayo. Ehistoli lyuuyuni otali iyendulula tali idhingoloka sigo onena muuyuni wetu ngaashi okugulu kwetemba.

Omukwaniilwa Nebukadnessar, okwa thikama koshipala shefano ndika tali adhima nelithi. Osho tse yethimbo ndika tatu thikama koshipala shuuyuni wetu tau adhima, tu na etilo enene meni moomwenyo dhetu.

Oompadhi dhefano odhoshiyela oshiludhe mumwe nomunoko. Atuhe otu shi shi ope na uudhigu oku-kwatakaniha kumwe oshiyela nomunoko. Shino otashi holola okwaakwatathana kuuyuni wetu.

Otapu kambadhalwa okugongela kumwe iigwana, ihe otapa nyengana okuhangana. Mokwaakwatathana moka, omo tamu zi ekondjithathano ndyoka lyu udha uuyuni wetu.

Aantu otaya ti kutya aakomunisi oyo ye li konima yaantu, nando hasho. Omutondi satana oye tuu e li konima yekondjo ndika, oshoka Ombimbeli otayi ti:

Ongame nda mono mokana koshikoko (Satana) nomokana koshilikama nomokana komuprofeti omufundja, mwa zi oombepo ndatu dha nyata, tadhii yi maakwaniilwa yuuyuni auhe oku ya hiya kiita esiku enene lyaKalunga Omupangeli gwaayihe. Ehol. 16:13-14.

Aantu yethimbo lyetu otaa kondjitha Kalunga notaa kondjithathana omuntu nomuntu. Meni moomwenyo dhaantu omo tamu longekidhwa ehanagulo. Nakusa gwetu, omukwaniilwa Filemon Elifas okwa sile me-kondjithathano ndika, noyendji otatu ka sila mo nata-ngo.

Otatu pandula Kalunga Tate, sho kwa gandja ohole kumboka taa thigwa po koonakusa yawo, sho taa tula koombila dhaaholike yawo omandhindhiliko. Oopiramide, ngashi muEgipiti noomonumente ngashi mu Suid-Afrika. Nemanya ndika lyondilo, otali ulike oshigwana inashi hala okudhimbwa omuwiliki gwasho ngoka kwa li a longele oshigwana shika.

Omukwaniilwa Nebukadnessar, okwa mono emanya tali pumu efano. Emanya olya zi mondundu. Kalunga oye ondundu yaaluhe naJesus oye emanya ndyoka lya zi mondundu.

Jesus oye emanya ndyoka lya dhengwa mombuga, oshigwana shisrael shi nwe. Oye emanya ndyoka lya dhengwa noomboha momushigakano, mu ze ehupitho lyuuyuni wetu, tau kondjithathana.

Kaku na omukwawo ehupitho lya kala muye, oJesus awike ti. Ombinzi ye oya tika okudhima po oondjo dhetu. Oye ta hupitha aantu natango methimbo ndika edhigu. Otu na ompito okutaalela Jesus tu hupithwe kuye muuyuni mbuka uuwinayi wongashingeyi, opahalo lyaKalunga Tate yetu, Gal. 1:4.

Oshilongo she otashi ya tango meni moomwenyo dhetu, shi kuthe mo uutondwe wokutondathana noppo ihe shoka sha monika komuprofeti Jesaja otashi ka gwanithwa:

“Oyo itaa kala we nokuningilathana uuwinayi nando owasha. likondjitho otayi ka hambulwa omatemo. Oshilongo shaJesus oshilongo shombili. Otashi ka tatala po efano ndyoka etilithi lyuuyuni wetu. Uuyuni wetu otatu ka tatulwa po ngashi etutu kolupale.”

Oshilongo shaJesus oshi shi okwiigamekwa kusho. Omandhindhiliko gethimbo lyetu otaga holola, Jesus ome ya mbala. Moshilongo shaJesus itamu ka monika omamanya taga tulwa koombila. Johannes ota ti:

“Ongame ondu uvu ongewi enene lyaantu oyendji no-lye fa epopilo lyomeya omanenenene lya ti; Hallelu-ya, Omuwa Kalunga ketu oye omupangeli gwaayihe, okwa tameke okupangela. Tu nyanyukweni, tu-ligoleni tse tu mu simanekeni, oshoka ohango yOnzigona oya thikana nomukiintu gwe okwiilongekidha, Halle-luja. Ehol. 1 :6,7.”

(Euvitho ndika olya uvithwa pedhiko lyemanya lyombila yomukwaniilwa gwaNdonga Filemon Elifas, komuyevangeliste gwOngeleka, Efraim Angula eti 27/ 11/1976 mOlukonda).

TUMA ONDJUKITHI YOYE YA YELA KOMUKWETU

MUSWAZILAND MWA MONIKA ELAKA ETOYE PAMARKUS

Okambo kEvangeli paMarkus oka holoka lwo-tango melaka limwe lyAaswaziland. Elundulo-ndika olya ningwa komutiligane gumwe nomukwathi gwe omusamane A. Simelane.

Oshituthi shegandjo lyetoloko ndika epe, osha li oshinene nomagano gembo ndika oga gandjwa owina komukwaniilwa gwoshilongo So-buza 11 nokoministeli yotango yoshilongo shoka.

Oyendji otaa tokelwa okupangitha omayego gawo

Ewi lyomundohotola gwomayego

Aaleshi aaholike

Owa pukululwa nale moshifo shika iinima oyindji. Onda hala okushi ninga wo, kombinga yomayego.

Muka mOwambo ondu uvu eyeletumbulo ndika.

"Kulupa nomeho, omayego kape na mbudhi, otandi ku taasinine."

Etumbulo ndika oli na edhiladhilo ewanawa lyuukuume, ihe itali simaneke omayego. Omayego, ogo iilyo yolutu lwa shitwa kuKalunga notaga pumbiwa, oshoka olutu lwetu kalu na iilyo yosima.



Tula ngeyi okakombe mokana noto uvu nke-ne omafufu gokakombe taga gumu oontumba dhomayego.

Aantu ihaa dhiladhila iilyo yolutu lwawo, manga tayi longo nawa. Uuvu nuwehame owo tau ya pendutha notaa endelele okuya koshipangelo. Kombinga yomayego otaa tokelwa, oshoka omayego ohaga pangwa, manga inaga ehama. Ngele tage ehama nokuli, otaga pangwa nuudhigu, nenge olwindji taga kuthwa mo ashike.

Omayego gomuntu otaga koko mesipa (moondjego) notaga piti mokana. Omunona kehe oku na ethimbo lye okumona omayego, ihe ohatu longwa ngaaka:

Omunona gwoomvula 2 netata, oku na omayego agehe pakanona 20.
Omunona gwoomvula 5, ta tameke okukuka.
Omunona gwoomvula 12-15, oku na omayego agehe gomuuukuluntu 32.

Ngele tatu tala mokana, otatu mono omitse dhomayego adhike, ihe omidhi otadhi kala muule mesipa moondjego. Meni lyeyego omu na oonerve noonkandjambinzi ndhoka tadhi siikilwa notadhi gamenwa nawa kesipa lyeyego.

Omayego otaga pumbiwa mukupopya. Omuntu ngoka kee na omayego nando, nenge omayego omashona ageke, iha popi nawa. Unene otatu pumbwa omayego, ngele tatu li. Omayego agehe kumwe otaga taasina nawa. Ngele omayego gamwe ga kuthwa mo, onkondo dhokutaasina odha shonopala nokuli. Omayego gokanona otaga pumbiwa wo. Ngele okanona taka ehama omayego notaga kuthwa mo, manga ethimbo lyokukuka inaali thika, nena otaka si uunkundi, oshoka itaka vulu okulya nawa. Olwindji otatu dhindhilike wo, kutya omayego omape itaga uka nawa nesipa itali koko, ngele omayego gokanona ga kuthwa mo nenge ga yonuka unene.

Omayego gokanona otaga wilike ondjila yomayego omape.


Omayego omawanawa ogo omayego omatokele, omadhigu noontumba dha kola nawa pokati komayego. Omayego ngaka omawanawa nomatokele ihandi ga mono olwindji pethimbo ndika.

likulya yomoositola iipu niitoye, itayi pumbwa omayego ga kola notayi ga nyateke uunene. Ehumokomeho, olyo oshinima oshivanawa, ihe tali tu tamaneke okusila oshimpwiyu shiinima oyindji. Ngele otwa tameke okulya iikulya iipu yomositola, mbyoka tayi nyateke omayego getu, otu na okusila oshimpwiyu okwoopaleka omayego konima yiikulya wo.

Omayego oga shitwa, opo ga kale mokana sigo omuukulupe womuntu, ihe nena aantu oyendji aagundjuka taa kanitha omayego gawo. Taye ga kanitha omoluuvu wopaali auke;

- a) oombululu momayego
- b) nuvu woontumba.

Oombululu momayego tadhi koko kashona nakashona. Itadhi holoka mesiku limwe. Oo-



Tameka okukomba omayego gopohi kombinga yelaka konima. Okakombe taka inyengithwa komeho nokonima kashona nakashona. Okakombe ohaka thikama ngele to opaleke omayego gokomeho.

Pamukalo nguka oto kombo wo omayego gopombanda kombinga yomeni konima nokomeho.

mbululu oonshona itadhi ehama, ngiika omayego ga yonuka taga tende, ihe aavu oyendji kayu uvite uuyehame washa.

Aantu otaa pukululwa yaye komundohotola gwomayego lumwe omuvo kehe, opo omayegogawo ga konakonwe noga pangwe, manga inaaga ehama. Omundohotola gwomayego oku na oshimpwiyu okutseyithila omuvu, kuya oku na oombululu ngapi.

Omayego ngoka taga ehama nokuli, otaga pangwa wo, ihe oshilonga shoka oshinene, nomayego gamwe itaga aaluka we. Ngele omayego ga yonuka, taga ningi ontsika, ohaga kuthwa mo neulumo, oshoka oombakteli montsika, otadhi vulu okuhita moonkandjambinzi nokunyateka olutu aluhe, unene omutima, omeho niityanathigo.

Uuvu woontumba otatu holoka ngeyi: Oonkulundya otadhi kukutile kombanda yomayego, dha ninga emanya. Oontumba tadhi zindi, ombinzi tayi tika nomufudho tagu nika. Kashona na kashona esipa (oondjego) tali kana, omayego taga tameke okunyengesha notaga zi mo owala.




Tsikila okukomba omayego kombinga yolupanda konima nokomeho, pombanda nopevi.

- (a) R 3-00 omwaalu gwopevi komulumentu
- (b) R 2-00 omwaalu gwopevi komukiintu

Sho okakalata kiigandjwa ka longekidhilwa ompito yokutula mo, ongele omwaalu aguhe nenge ombinga ndjoka wa mono po, ino etha oomwedhi odhindji tadhi piti po inoo tula mo sha.

Otashi ku pupalele ngaa nando okutula mo 30c nenge ngaa 40c - 50c komwedhi kehe, opo aayakuli yegongalo lyeni ya kale wo haa mono sha momwedhi kehe, ngaashi taye shi pumbwa tuu shili.

M. Ngipandulua.




Komba ngeyi ishewe omayego gopombanda, kombinga yomeni, konima nokomeho.

OMATOKOLO GAMWE MOSHIGONGINGELEKA

Oshigongingeleka sha ELOK, sha li sha gongala mEngela 29 Juni sigo 8 Juli 1976, osha dhimbulula oontengeneko dhomagongalo itadhi tsakanithwa nawa ngashi pwa fanekwa nopwa tegelelwa.

Omalunza gomeni lyOngeleka otaga vivile kashona. Omalunza taga tegelelwa pondje oge li pokuthita. lilonga yomagongalo ya ndilopala noondjambi dhaayakuli itadhi ya kwatha we nawa.

Opo nee iilonga yomagongalo noyongeleka yi longwe nawa, oshigongingeleka osha tokola moshitololitho shasho 31, iigandjwa yi kale ngeyi okutameka Januari 1977:



Natango komba ombinga dhokutaasina. Tameka konima yomayego ga hugunina. Pehulilo ipukusha nomeya.

"Mboli oshinima oshiwa," osho vamwé va popya eshi twa kala monhanda yetu yovalumenhu kOnanghulo okuhovela muKotoba 1976. Atushe ava twa li mo osha li lwotete okukala monhanda yovalumenhu. Otwa li shili tu liudite ounelao. Omwene okwe tu popifa nOmhepo yaye mokukala penya.

Omaongalo aa ali a fika ko: Onheleiwa, Olu-pandu, Ongenga, Engela, Endola, Ongwediva nEdundja. Otwa li mo tu dule 50.

Ovalumenhu ova li va xwama shili. Eenghunda-fana oda li diwa notadi hafifa ava ve na odjulufi yemanguluko lokomwenyo. Inaku kala nande oyou, ta eta oinima yovanhu vamwe, ndelene oyetu vene yovalumenhu. Twa tala ashike omapuko etu vene nowii wetu vene.

Meenghundafana otwa koneka nghee ovalumenhu twa dja po puKalunga novahapu hatu kalele ounjuni. Oinima ya tumbulwa ya kufa ovalumenhu puKalunga; Okulihola mwene, emona, oikunwa ile edimo noluhaelo. Otwa pewa efindile mo tu ye melidiliko nomohole yokwoongala peendjovo daKalunga.

Omupashukilishitayingeleka a eta yo sha tashi popi kombinga ya "ShaKalunga shi peni Kalunga." Otwa talifwa ouluva wetu oo tau tu etele yo oluhepo. Otwa udifwa meemwenyo detu kutya otu na ongunga yaKalunga.

Konima yelongelokalunga ovawiliki E. Haipinge, A. Hangula nomupashukili va ninga oupopifo wopehulilo. Omupashukilishitayingeleka a lekela onhanda nenangeko noupuna. Onhanda noya halakana.

Oimaliwa aishe ya ongelwa monhanda ei kumwe R122-98.

Ovo va li mo ova indila moudwaali onhanda yovalumenhu moshitayingeleka shokOukwanyama i ka kale kOhalushu.

Adolf Hangula

Oshigongi shaalumentu mUuninginino osha gongala mOnakayale nuumvo muAguste. Omwa li aalumentu ye thike 158. Moshigongi shika aalumentu oya ti, yo oya hala okuza ko konima yesiga miinima yuukriste, ya holoke puuyelete.

Aalumentu mbaka sho ya dhimbulula oshilonga shokuhumitha uukriste komeho mOngeleka ndjika pashimpwiyu shayo, moshigongi shika oya gongele iimaliwa ngeyi:

Oshakati	R 50,00
Niimwandi	9,00
Elim	52,38
Othika	50,00
Ogongo	21,00
Nakayale	75,00
Onawa	50,00
Eengolo	52,32
Okahao	60,00
Onangalo	52,00
Tshandi	15,00
Onesi	21,40
Oluteyi	22,27

Oshigongi shika osha tokola omumvo tagu ya (1977) ku ningwe natango oshigongi sholudhi nduka mOkahao, mOngandjera, Kalunga ngele e shi hala. Oshigongi oshi indile wo omuwiliki gwoshilonga mokati kaalumentu mUuninginino, a talele po omagongalo pomathimbo nomathimbo.

Rev. Filemon Alugongo

ILANDELA OSHIFO OMUMVO TAGU YA

ONYE OVAHOOLOLWA

Mounyuni wetu, ovanhu vahapu ova ifanwa, va shiivilwa, mEhangano IOukelefiti.

Ndelene, haaveshe hava ongala, peendjovo dehangano eli. Jesus ota popi muMateus eengudu mbali.

- a) Ovaifanwa
- b) novahoololwa


Omuleshi weendjovo, ou li mongudu ilipipo. Ongudu yovaifanwa ihai ongala, oi kwetiwe komutondi wehangano eli. Noi li mewiliko laye.

Haiti, waima, vangapi hava ongala pomukunda weni.

Jesus ta ti, vahapu ova ifanwa ndele vanini ova hoololwa.

Likongela onhele mongudu yovahoololwa ava hava kala peendjovo dOmwene wavo, Mat.22:14.

L. Nanghaku



Pokati komayego ohapu kala iiyagaya noombakiteli wo odhindji. Okukomba omayego otaku opalele ashike kaanona naakuluntu mboka ye na oontumba dha kola nawa. Pokati komayego otapu opalekwa nuuti womayego nenge noongodhi. Omundohotola oye ha vulu okukutha po emanya lyomayego ndyoka hali kala pokati komayego nomoocha dhoontumba.

Natango ongudu imwe yopolotika muNamibia "Napdo", oya tokola i halakane po i litule mongudu ya SWAPO. Ongudu ei onhi-9 ya shikula dikwao dovalaule de litula nale mngwapa ya SWAPO.

Okwa kamba ashike kanini, eengudu adishe doupolotika moshilongo eshi hadi kondjele emanguluko loshilongo ashishe, tadi kondjifa okatongotongo, hadi kondjifa omaduumbo, di litule koshi yevava la SWAPO, opo di tule okuni kumwe.

"Fye otwe shi itavela paife kutya, mboli SWAPO oye aeke ehanganano loshiwana tali kondjele emanguluko noli li omuwiliki mekondjo li shii ku kuta eembunga dovanhu kumwe mu-Namibia".

Osho sha fatululwa komukanda ou wa yandjwa tau yelifa etokolo longudu ya Napdo, ngashi wa shainwa komunashipundi Tsingeh Urihob.

Omalmibililo ovatilyane kutya o SWAPO, oshinima shOvawambo, mafiku oku li poku nyamukulwa.

KISSINGER OTA KONGO PAIFE OILONGA

Oministeli yoikwapondje yaAmerika, Henry Kissinger, ota konghola paife koivelo yeembelawa, ta kongo oilonga. Osho sha holoka moshifo "Die Afrikaner, mu S. A.

Omushamane Kissinger, a fimana moupolotika wounyuni, okwa kanifa oilonga pexulilo lodula ei, eshi epangelo la Ford, eli kwa li le mu kuta moilonga la kanifa oshipundi shalo meehoololo loshiwana.

Oshifo osha ti kutya Kissinger okwe lipyakidila paife nokulimeleta kovahona vape mEpangelo, opo a twikile natango oshilonga shaye mepangelo olo.

Otaku tiwa, oshinima eshi ove shi kundafana nale nomupresidente Carter.

Mekwatafano nomikundu dombuwantu wa Afrika, omusamane Kissinger, oku na eteelelo la pama kutya Suidwes otali manguluka, osho yo S. A., unene ngenge ta pewa omhito yokuyandja onduge moshinima osho.

Inashi shiivika natango nawa ngenge Epangelo laCarter, tali tambula tuu eindilo laKissinger, ile ahowe. Oilonga yepangelo lipe muAmerika otai ka hovela 20 Januari 1977.

ONDANDO YOSHIFO OMUMVO TAGU YA NATANGO R2, oo MENI LYOSHILONGO

"Nakusa omukwaniilwa Filemon Elifas, okwa li omukokoli gwiigwana yi hangane moonkundathana dhekotampango lyonakuyiwa ya Suidwes. Okwa li oshilyo shongundugandjimaye le yoministeli yotango ya S. Afrika. Elalakano lye olya li, oshilongo shi kale nepangelo limwe."

Shika osho sha li sha popiwa koministeli yuuyuki yOwambo, omusamane Tarah Imbili, poshituthi shedhiko lyemanya kombila yoministeli yOwambo, omukwaniilwa Filemon Elifas, mOlukonda eti 27.11.1976.

Nakusa Filemon okwa li a dhipagwa omumvo gwa zi ko, 16 Aguste, edhipago lyoshihaku-kila. Aantu oyendji aalumentu naakiintu oya li ya kwatwa molwoshiningwanima shika.

Omageelo gi ili nogi ili oga ningilwa aatamane-kwa, yamwe osho ya geelwa nondholongo yoomvula 5, nenge eso nokuli, ngaashi Hendrik Shikongo naAron Mushimba, mboka ya tokolelwa ngeyi eso.

Oministeli yuuyuki omusamane Imbili ngoka a popi peha lyoministeli onkuluntu yOwambo, omusamane Kornelius Ndjoba, moshipopiwa she e shi popi momutse sho a pandula ayenda, okwa holola medhina lyEpangelo lyOwambo kutya:

Yo itaya ti we sha kombinga yaalangi yuuniwani wedhipago. Otaya ti owala:

"Kalunga ya dhimina po, oshoka kaye shiwo shoka taya ningi."

Aantu ye vule 300 mboka oyendji yomuyo ya li aakuluntu ashike, oya li ya gongala poshituthi shika.

CARTER, OKWA HALA AFRIKA LI MANGULUKE

Omunashipundi gongundu yoSenata yaAmerika, mokangundu kewiliko lyiinima yaAfrika, Dick Clark, okwa ti kutya omusamane Jimmy Carter ngoka a hogolelwa uupresidente omasiku ngaka muAmerika, ota ka lalakana opo Afrika li manguluke.

Opaati yetu "Democratic Party", otayi ka ipyakidhila yi mangulule ilongo yaAfrika mbyoka tayi pangelwa natango kaatiligane, osho Clark a ti.


Elelo lyomupresidente Ford muAmerika, ndyoka lya kanitha omasiku ga zi ko oshipundi, omusamane Clark okwe li sheke, kutya ehethi sho tali landula omukalo gwaa na onduge yasha miinima yaAfrika.

Amin oti isimaneke

Omupresidente Idi Amin gwaUganda, ota ti, omupresidente Carter sho a hogolelwa koshipundi muNombamba nuumvo, osha zi kekwaathelo lye.

Amin okwa ti wo kutya ye okwiilongekidha okugandja omayege agehe ga pumbiwa komupresidente nguka miinima mbyoka yi na sha naAfrika. Ihe na kale wo a kotokela ehanganano lyaapolosi yomonguwi lyaAmerika, lyaaye mu dhipage ngashi sha ningilwa omupresidente Kennedy.

Omupresidente gwaUganda, Amin, okwa tsu Carter omukumo a talele po mbala Afrika. Ngele okwa landula elombwelo ndika, ota ka kala omuleli a simana muuyuni, osho Amin a ti.



Omumvo tagu ya 1977 Ongeleka oye gu tala omumvo gwomambo, oshoka mugwo Ongeleka otayi dhimbulukwa embo lyotangotango sho lya holoka melaka lyOshiwambo, embo lyOkambeendee 1877. Otu na ano mOngeleka ndjika oshitu-thi shomimvo 100, embo lyotango sho lya leshwa lwotango melaka lyOngeleka.

2
 Mwenyo tau findilwa,
 Pedu ongowa tatulilwa
 Malimbililo taa hepeke,
 Madima tau tulatula
 Peni oudjuu u dje,
 U shiive u hepeke omutima

3
 Eteelelo la kana,
 Oudjuu auke u lwetike
 Mahodi taa pononoka,
 Momesho taa tikaatika
 Shike shi lifife ehaluko,
 Linene lOmutima

4
 Kristus okwa fila onyanga,
 Inene yomulunde
 Onghee mwenyo nyakukwa,
 Oudjuu nouyehame dimbwa
 Eteelelo liwa, u li lwete,
 Ombili nehafo lomutima
 Atty-L.P.Nakandinga

Efano pombanda, okatayisitola kOkahao. Ekwawo pevi oshihauto shokuthikitha omambo kiiututhi nomiigongi.



Etaandelitho lyomambo oshinima tashi ulumikwa kOngeleka, opo elaka lyehupitho li thikithwe komuntu kehe. Uutayisitola owindji owa dhikwa.

OMAFIMBO MADJUU

Luhodhi la koloka,
 Ngodula yeemhawe ya pauka
 Mutima tali denge,
 Mwenyo tali tataula
 Diladilo ongomume,
 Taa kana mo momutima

OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala. Amushanga Rev. Sebulon Ekandjo.

Ondando yoshifo komumvo muSuidwes nomuAfrika alihe R 2.00, kombanda yomafuta R 4.00.

Oondando nomambesitelo naga tumwe kOmukwetu Oniipa: P/B. 2013, Ondangwa.

Omatseyitho agehe gomuntu mwene ohaga futilwa kumwene.

OWAMBOKAVANGO CHURCH PRESS
 PRIVATE BAG 2013. ONDANGWA 9270